



59734

kal.komp.

Mag. St. Dr.

P

Teol. 4204.

Manassis Raphael: Diva acquiratilis bilanc
ad scholasticam examinata staltiram seu
Conclusiones theologicæ de iure et iustitia







59734
(11)

A
AD
CO

MA
M.

SACR
RIA

Perillu

Perillu

Clariss

Clariss

Do

D

R. P.

Rel. Fr

D I V A
ÆQVITATIS BILANX
AD SCHOLASTICAM EXAMINATA STATERAM,
S E V
CONCLVSIONES THEOLOGICÆ
DE IVRE & IVSTITIA,
Q V A S
Sub Auspicijs

MAGNIFICI, PERILLVSTRIS, & ADMODVM REVERENDI DOMINI
M. SIMONIS STANISLAI
MAKOWSKI,

Sacra Theologia Professoris, Collegæ Maioris, Ecclesiæ Collegiatae S. FLORIANI Canonici, S. R. M. Secretarij, Almae Vniuersitatis Academiae Crac:
GENERALIS & VIGILANTISSIMI RECTORIS.

Nec Non

Perillustrium, Clarissimorum, & Admodum Reuerendorum Dominorum,
Sacrae Theologiae DOCTORVM & PROFESSORVM.

Perillustrium, Clarissimorum, & Admodum Reuerendorum Dominorum,
Facultatis Iuridicae DOCTORVM & PROFESSORVM.

Clarissimorum, Excellentissimorum, & Spectatissimorum Dominorum,
Medicinae DOCTORVM & PROFESSORVM.

Clarissimorum, Excellentissimorum, & Doctissimorum Dominorum,
Philosophiae DOCTORVM & PROFESSORVM,

Totiusq; Florentissima Vniuersitatis Cracouiensis.

Dominorum, Dominorum & Patronorum Fauentissimorum.

IN ÆDIBVS REPRELANTIS

D I V I STANISLAI
CASIMIRIÆ ad CRACOVIAM,

P R Æ S I D E

R. P. FLORIANO TRZEBSKI, Ordinis S. PAVLI Primi Eremita in
præfato Conuentu Sacra Theolog: Ordinario Professore,

Publicè defendendas suscepit

Rel. Fr. RAPHAEL MICHALSKI eiusdem Ordinis Sacrae Theol: AUDITOR.

Anno ab ortu SOLIS IVSTITIÆ M. DC. LXXII.

Die 4 Mensis Septembris Horis Pomeridianis.

CRAC: In Officina SCHEDELIANA, S. R. M. Typogr:





Iustitia est fundamentum totius commendationis & fama.

Marc: Tull. in Lib. Offic.

Ab inopia iustitia, copia venit contentionum, litium atq; pugnarum. Athalaricus Rex apud Cassiod: Lib. 9. Epist. 20.

Iustitia & Virtutis maximam partem habet, qui honore dignos honorat. Democr. apud Stobæum serm. 44.

Inter populos sempiterna nascuntur certamina, nisi fuerit iustitia custodita. Cassiod. Lib. 7. Epist. 23.

Non impedit iustitia Misericordiam, quia Misericordia ipsa iustitia est. S. Ambrosius.



MAGNIFICE, PERILLVSTRIS,
& Admodum Reuerende Domine
Almæ Vniuersitatis Cracouiensis
R E C T O R.

PERILLVSTRES, CLARISSIMI, ADMODVM
Reuerendi, Excellentissimi, Spectatissimi,
Doctissimi,

QVATVOR FACVLTATVM
DOCTORES & PROFESSORES,
DOMINI DOMINI,

E T

Patroni fauentissimi.



D Vos Eremitica Pallas
aureis IUSTITIÆ illigata com-
pedibus soluēda aduoluitur, OR-
BIS SARMATICI LVMINA ac CO-
LVMINA ACADEMICI. Quippè quā
stricto iure insoliti vinxerunt ac vicerunt fauo-
res, non nisi beneuolentia absoluet: nec absol-
uet, sed in vinculis liberam, sibi faciet subie-
ctam. Quantum enim debeat, nouit; at tan-
tum ponere, impotens est: Non est soluendo,
quam tam grande euacuat debitum. Æqua-
litatem exigit æqui ac iusti parens IUSTITIA,
cohibet exilitas: illa vtramq; plenam vultef-
se stateram, hæc alteri earum pondus demit,
ac cum vacuo (quod Natura abhorret, inopia

(*)

susti-

sustinere cogitur) iuncta, alas ei addit. Imple-
sti Tuam, Vnicū ORBIS TOTIVS PRETIUM, quā
sapientiā, quā virtutibus, quā honoribus state-
ram, cui mouendæ ne Archimedis quidē suffi-
ciet peritia; quid Rupellanæ Palladis leue pon-
dus? Ipsa Nomina sapientum, Numina sunt,
Merita, aureæ glebæ. Quot ora, tot decora,
quot Capita, tot non Urbis vnus, est Orbis Ca-
pitolia. Verbodicam, ALMA MATER ACADE-
MIA, Mamilla Regum est, quot Studentes, tot su-
gentes, ac ad Solia Regum, Infulas, Mitrasq;
Principū surgentes fouet ac enutrit filios. Tan-
to igitur quod oppones pretium indisertū De-
sertum? Rupem cogitat auiam suam, at & hæc
sacro cruore pro Iure ac IUSTITIA fulo perū-
cta, æquale in pretio ponere docet pondus:
Quæ verò aridæ Rupis cum auro gemmisq; æ-
qualitas? Ergò affectū ponit in imo graui fun-
datū pondere, cui si vestros FAVENTISSIMI
PATRONI iunxeritis animos, Regina IUSTI-
TIA in æquilibrio ponet bilanci, ac in suo con-
tenta finali effectū conquiescet.

Quod submisit vouet & precatur

Cliens humillimus

Rel. Fr. RAPHAEL MICHAŁSKI. Ord:
S. PAULI Primi Eremitæ Professus.

CONCLVSIONES THEOLOGICÆ, De Iure & Iustitia.

I. **I**USTITIA est virtus specialis distincta entitatiuè à reliquis virtutibus moralibus: Rectè definitur quod sit habitus secundum quem aliquis cōstanti & perpetuā voluntate ius suum vnicuiq; tribuit: Subiectum illius proximum est voluntas; remotum omnes illæ Personæ, inter quas potest reperiri iustum simpliciter.

II. **O**biectum materiale proximum Iustitiæ non sunt passionēs, neq; res vt res; sed est operatio externa iuri alterius debita & adæquata: Formale est honestas æqualitatis sita in adæquatione operationis debitæ ad ius alterius. Hæc operatio duos includit respectus, vnum cum iure illius personæ cui debetur, secundum cum recta operantis ratione.

III. **I**n actu cui operatio iusta debetur, non est prælatio moralis vnius præ alio: neq; indigētia rerū ad cōplementum omnis propriæ fortunæ in conuictu sociali pertinetium; sed est legitima potestas pro suo arbitrio disponendi circa aliquam rem, cuius violatio iniuriam constituit: Diuiditur in Proprietatis & Iurisdictionis: Proprietatis verò aliud Personale, Reale aliud est.

IV. **A**d rationē simpliciter dictæ Iustitiæ non requiritur alteritas suppositorum, sed sufficit voluntatum siue entitatiuè, siue virtualiter sub vna Personalitate existentium. In Deo Homine CHRISTO non deest alteritas, quæ sufficiat ad rationem perfectæ Iustitiæ, non solum cum Deo Patre, sed etiam cum seipso contrahendam, modò aliud nihil officiat.

V. **D**ebitū aliud est legitimū proueniēs ex iure & obligatione Iustitiæ propriæ dictæ: aliud morale fundatum in sola honestate vel condecencia aliarū virtutum: Iustitia non hoc, sed illud requirit; quodq; in ratione debiti sit perseuerans, ac ad iteratam solutionem eius debiti, quod iam sufficienter est persolutum, secundum se non inclinans.

VI. **I**ustitia Cōmutatiua, Distributiua & Legalis sunt perfectæ Iustitiæ specificè inter se distinctæ. Legalis etiam si sit virtus specialis, essentialiter diuersa non tantum à Iustitia Particulari, sed etiam ab alijs virtutibus moralibus; potest tamen dici virtus generalis non Logice, sed imperio & ratione obiecti: Eadē est in Principe, & in subdito.

VII. **D**istributiua Iustitiā à Cōmutatiua nō benè distinguit proportio geometrica & arithmetica; optimè autē diuersificat illas æqualitas operationis debitæ ad ius legitimum partium in bona suæ cōmunitatis fundatū in earum dignitate; Et æqualitas ad ius particulariū personarū in bona proprietatis: Sēper debet esse ad plures.

VIII. **E**ligere aut præsentare indignū tam ad beneficiū vel officiū Ecclesiasticum, quàm ad sæculare est peccatū ex genere suo mortale. Eligere autē minus dignū prætermisso digniore nō semper est peccatū graue. Probabile est Reges Poloniae non peccare cōtra Iustitiā Distributiua conferendo officia Regni Personis minus dignis, omissis dignioribus.

IX. **V**indicatiua Iustitia non est species condistincta à iustitia Distributiua & Cōmutatiua: Tā in læso requirente penam à Iudice, quàm in lædente subeunte penas sibi comméritas non est perfectæ Iustitiæ: In Iudice autē respectu Reipublicæ, & respectu partis læsæ penam requirentis est perfectæ Iustitiæ Commutatiua; Non tamen respectu Rei.

X.

Ius in comuni conuenienter diuiditur primò in Naturale & Positiuum: Secundò in Ius secundum quid ac imperfectum, & in Ius simpliciter ac perfectum. Positiuum subdiuiditur in Diuinum & Humanum: hocq; in Ius Gentium, Civile, & Ecclesiasticum: Perfectum verò in Legale & Particulare; illud vocatur Ius Altum, hoc Ius Bassum.

Ius gentium est Ius positiuum: In illo non tantum DEVS potest dispensare illudq; abrogare, verum etiam Summus Pontifex causâ salutis æternæ, boniq; spiritualis: Differt per hoc à iure naturali; quod hoc obliget ex natura rei præcipiendo honestatem necessariam, vel prohibendo intrinsecè mala; illud verò ex libero consensu ferè omnium rectè constitutorum populorum.

Ius oeconomicum partitur in Ius Paternum quod intercedit inter Patrè & Filium: Ius herile quod est inter Dominum & seruū: & Ius maritale quod inter maritum & vxorem locum habet: Per se loquendo est naturale originaliter, completiue verò & quoad vltimam inter hos illosq; determinationem, excepto Iure Paterno, est positiuum.

IN DEO sunt omnes virtutes ad alterum, fundatæ in sola honestate virtutis & condecencia Diuinæ bonitatis imperfectionem aut superioritatem in alio non supponentes. Et sic concedenda est in eo Liberalitas, Misericordia, Veracitas, Gratitude, (nō quā aliquid acceptum beneficium recompensat, sed quā debita obsequia remunerat) item Charitas, imò & Iustitia propria.

Perfecta & formalis Iustitia in DEO erga homines, & in hominibus ad DEVM non datur; vnde etiam Iustitia Cōmutatiua, Distributiua, & Legalis in DEO locū non habet: Vindicatiua verò benè illi tribuitur; quæ tamen in eo specialis virtutis nomen non tenet, sed reducitur, vel ad charitatem sui & creaturarum, vel ad generalem prouidentiam circa creaturas.

Inter Patrem & Filium, Dominum & seruū formaliter sumptos non intercedit Iustitia perfecta, sed tantum inter specificatiue acceptos: sicut & inter maritum & vxorem non datur in ordine ad regimen domesticum; datur autē in ordine ad vsum matrimonij fūdada in iure personali, & in ordine ad bona fortunæ propria, fundata in iure reali.

In iustitia est vitium speciale & ex genere suo mortale: Obiectum eius materiale proximum est actio exterior, vel omissio læsiva iuris alieni: Formale est bonum apparens quod apprehenditur in læsione iuris alieni: Habitus illius particularis intenditur, per illos solum actus qui procedunt ex cōplacencia & affectu boni apparentis in violatione iuris alieni. Volenti & consentienti non potest esse iniuria.

Dominium in genere est ius gubernandi vel disponendi de re aliqua tanquā sua, nisi legē prohibeatur: Iurisdictionis est Ius gubernandi subditos principaliter & directè in eorum vtilitatem. Proprietatis est Ius disponendi de re in proprium commodum: Quod diuiditur in Perfectum, quod est ius tam in Substantiam rei, quā in comoda eius: & in Imperfectum seu vtile, quod est vel in substantiam rei & non comoda, vel è contra.

Vsus licitus rerum vnico principali vſu consumptibilium potest separari ab omni Dominio. Fratres Minores ita nullius rei habent Dominium, vt etiā in extrema necessitate cōstituti non fierent capaces illius; imò etiam si ipsi soli manerent in mundo, adhuc non essent Domini rerum quibus vteretur. Paupertas Religiosa potest stare cum Dominio rerum.

Omnes res sublunares modo sint apprehensibiles, Fama item, Honor, Actus spirituales tam naturales, quā supernaturales, Habitus scientiarum qui ex vi & efficientia actuum nostrorū comparantur cadunt sub Dominium humanum; minimè verò Angeli vel corpora caelestia. Diuisio Dominiorum iuste & commodè iure gentium introducta est.

Solus Deus habet Dominium in vitam humanam, membra ac alia accidentia innata, necnon in habitus qui ab ipso solo nobis infunduntur: Homo verò ipse est tantum custos illorum & vsuarius; qui etiam in alium hominem non habet naturale Dominium proprietatis; sed solum potest habere in illum Dominium despoticum, non æquè tamen vt in bruta.

XXI.

Deus vt potè supremus in natura intellectuali habet Dominium perfectissimum omnium vnicum commune tribus Personis: Natura verò creata libera solum participatum; vt Angeli respectu suarum operationum; & homines, (non tantum adulti, fideles & iusti, sed & infantes, amentes, infideles, & peccatores) respectu rerum temporalium.

XXII.

Clerici sæculares etiã si sint veri & absoluti Domini nõ solum bonorum patrimonialium & quasi patrimonialium, sed etiã omnium absolutè prouentuum sui beneficii; obligantur nihilominus sub peccato mortali, vt retentam sibi parte reddituum Ecclesiasticorum ad decetiam sui status necessariam, reliquos redditus expendant in pauperes vel alios pios vsus.

XXIII.

Nullus Clericus etiã Episcopus habet dominium absolutè proprietatis in bona Ecclesiæ imobilia & supellectile quo ad substantiam, sed tantum utile: Potest interdum & plus remunerare, quàm valeant dona vel seruitia accepta; & etiã ex redditibus beneficiatis alere in studiis suos nepotes & consanguineos, quando aliunde non habent alimenta.

XXIV.

Summus Pontifex nõ habet in mundum vniuersum Dominium nec Proprietatis, nec Iurisdictionis Laicæ; esto habeat in omnia regna Christianorum Dominium directam Iurisdictionis Spiritualis; Ratione cuius habet etiã potestatem tanquam supremus Bonorum Ecclesiasticorum Dispensator applicandi portionem Clericorum, vel etiã pauperum, ad alios vsus pios.

XXV.

Christus Dominus in quantum Naturalis Filius Aeterni Patris habuit supratotum mundum non tantum plenam potestatem Spiritualis Iurisdictionis; sed etiam Dominium excellens tam Iurisdictionis, quàm Proprietatis etiã in rebus corporalibus; defacto tamen propter exemplum nostrum illud non vsurpauit sibi.

XXVI.

Religiosi solemniter professi in particulari sunt incapaces Dominij rerum temporalium; in comuni tamen habent Dominium eorum, quæ possident. Prædicta incapacitas non oritur in illis ex natura voti solemnitis, sed solum ex Iure Ecclesiastico. Abbates, Præpositi, Priores & similes Beneficiari Religiosi non sunt Domini, sed Administratores & Dispensatores fructuum ex Beneficiis prouentientium.

XXVII.

Etiam si nõ possit in eodem instanti simul esse penes duos plenam, perfectam, & integrum Dominium eiusdem rei in solidum; datur tamè defacto simultaneè pro eodem instanti donationis acceptatæ tam in donante, quàm in donatario; in illo conditionatè tantum & extrinsecè, in acceptante verò donationem sibi factam absolute & intrinsecè.

XXVIII.

Hominum Dominium quatuor modis acquiritur, captiuitate in bello iusto, natiuitate ex serua, iustâ condemnatione, & emptione ac venditione. Non solum hi qui iniuste redacti sunt in seruitutem possunt licitè fugere ad suos, sed etiã illi qui in bello iusto serui facti sunt; imò licitum est his dare consilium ad fugiendum.

XXIX.

Venatio syluestrium animalium licet sit ex se & ex naturali iure licita, redditur tamen illicita ex aliqua circumstantia, vel ratione status Personæ, vel ratione damni quod ex illa consequitur, vel ratione prohibitionis, vel ratione loci, vel demum ratione temporis. Fera à te percussa, si à te non caperetur, & postea ab alio est capta, fit capientis.

XXX.

Bona inuenta quæ Domino non carèt, esto nobis sit ignotus nõ possunt cedere iuniori; quæ verò vel nunquam habuerunt Dominum, vel si eum aliquando habuerunt, in lōginitate tamè temporis quo possideri desierunt, defacto carent illo, sunt inuenietis; nisi aliquam lege humana eorum Dominium alteri applicetur.

XXXI.

Thesaurus inuentus in loco publico, qui ad nullum pertinet speciali Iure vtilitatis, totus est inuentoris; inuentus verò in loco publico, qui spectat ad aliquem peculiari iure vtilitatis per medium est Domini loci. Qui scit in agro alieno latere thesaurum, potest nihil reuelando emere agrum. & postea thesaurum eruere, & sibi totum retinere.

Prescriptio est acquisitio per continuationem possessionis ad tempus Lege præfinitum: Habet vim etiam in foro conscientiarum: Quatuor condiciones sunt ad eam necessariae, Possessio scilicet, Bona fides, Titulus probabiliter præsumptus, & Continuatio possessionis. Nulla res præscribi potest quæ licite fieri non potest.

Dominium perfectum rei temporalis non potest in alterum transferri per solam voluntatem internam; hæc tamen sufficiens est tunc ut in conscientia obliget, quando vnus homo ita alteri homini cedit Dominium rei suæ ut velit se ad cessionem illius obligare coram Deo. Ad acquisitionem Dominiij ordinariè requiritur, titulus & traditio.

Contractus est reciprocus consensus duorum aut plurium sensibili signo expressus: Dividitur primò in Contractus nominatos, & innominatos: secundò in lucrativos seu gratuitos, & onerosos: Tertio in contractus bonæ fidei, & stricti iuris: Quarto in pacta nuda, & pacta vestita: Perficitur consensu, re ipsa, verbis, & scripturâ.

Consensus ad valorem contractus humani necessariò requisitus debet esse liber, deliberatus, externè manifestatus, non impeditus iure Diuino aut humano, & immunis ab errore, dolo, & metu. Ille qui habuit animum promittendi, sed cum voluntate expressa non se obligandi, ex errore putans quod ex promissione non oriatur obligatio, manet adhuc obligatus.

Quando error est circa substantiam rei, ipso iure naturæ irritat contractum; quando verò non est circa substantiam rei, etiamsi dolus det causam contractui, proueniatq; ab vno contrahentium, contractus non est omnino irritus; quamuis pro arbitrio eius qui deceptus est possit irritari, si naturâ suâ solubilis sit; si verò non sit solubilis (ut est contractus matrimonij & Professionis, Religiosæ) nec est irritus, nec irritandus.

Contractus metu cadente in constantem virum iniuri, quem alter contrahens iniuste iniecit, nec iure naturæ nec positiuo (exceptis aliquibus) sunt irriti; sed tantum irritandi. Metus reuerentialis tunc facit contractum rescindibilem quando timet v. g. filius malum sibi aliquod à Patre iniuste inferendum. Blanditiæ non inferunt metum vllum ne leuem quidem.

Omnes contractus præter testameta & vltimas dispositiones sunt inualidi in foro tam externo, quam interno, quando in ipsis deest aliqua solemnitas à iure positiuo requisita ad eorum substantiam & valorem: Sic contractus circa bona immobilia Ecclesiastica sine consensu Summi Pontificis, Capituli, vel Sacre Cõgregationis ritu celebrati, nec sunt validi, nec in cõscientia obligant.

Iuramentum tunc potest cõfirmare contractus iure positiuo irritos, quãdo absq; peccato seruari possunt, nec turpitudine aliqua inuenitur ex parte illius in cuius fauorem fit iuramentum. Quãdo donatio cõfirmata per iuramentum ratione ingratitudinis reuocari debet, tunc Episcopus tale iuramentum potest relaxare; & deinde Index habet potestatem reuocandi donationem illam.

Conditio impossibilis contractibus apposta (excepto Matrimonio & vltimis voluntatibus) eos viciat: In vltimis verò voluntatibus habetur pro non adiecta; idq; probabilis in utroq; foro: sicut & in contractu Matrimonij quãdo non est contra substantiã Matrimonij habetur etiam pro non adiecta: etq; tunc illud validum.

Illi Contractus qui solo cōsensu nō cōplentur, perficiūtur positā solā cōditio-
ne de futuro absq; nouo cōsensu, si prior cōsensus reuocatus non fuit. In casu
illo quo Cōtractus Matrimonij cum duobus sub conditione est initus, qui po-
neret prius conditionem illius Matrimonij tenet: Si verò vtriusq; conditio si-
mul poneretur, & prior cōsensus non sit reuocatus, neutrum valebit Matrimonij.

XLII.

Promissio externa nō obligat naturali iure Promissorē ad illā ante accepta-
tionem ex Iustitia adimplendam; imò etiam acceptata in his casibus desinit
obligare. Primò: Quando non verificatur conditio sub qua res fuit promiss-
sa: Secundò: Si res promissa reddatur impossibilis, vel illicita. Tertio: Quādo
res promissa redditur inutilis Promissario. Quartò: Quando notabiliter varia-
tur status rei.

XLIII.

Donatio etiā traditione cōpleta licitè reuocari potest, vel ob ingratitudine
Donatarij erga Donantē, vel ob nouam prole post donationē Donatori ex-
ortam: Si tamen Donans expressè iuret, se non reuocaturū donationem,
etiam si Donatarius futurus sit ingratus, vel etiam si sibi filius nascatur, non est
iam donatio reuocabilis.

XLIV.

Testamētū est iusta sentētia hominis de eo quod post suā mortē fieri vult, cum
hæredis directā institutione: Alterum est clausum, quod scripto fit; Nuncu-
patiuū alterū, quod voce corā testibus celebratur. Nullus tenetur sub pec-
cato testamētū condere, nisi iudicet ex omissione sui testamēti multas futuras li-
tes, odia & dissensiones inter successores: Solemnitates à Iure ciuili requisitas
ad illud quæ præiudicant Spirituali bono animarum potest Summus Pontifex
tollere.

XLV.

Depositū est id quod ad custodiendum alicui datur. Depositarius non potest
absq; deponentis consensu vti re depositā. Depositor potest depositum re-
petere ante tēpus. Furi & Latroni restituendū est depositū, quando à De-
positario ignoratur esse furto sublatū; si verò Depositarius resciat de Domino
vero, isq; probet esse suum depositum, ei non furi restituere debet.

XLVI.

Commodatū est alicuius rei ad speciale aliquē vsū gratuita concessio. Cō-
modans nequit absq; iniustitia rem cōmodatā ante tempus reuocare, nisi
noua superueniat causa à principio non præuisa. Cōmodatū nō solum acci-
pere possunt hi, qui possunt alijs cōmodare, sed etiā illi qui cōmodare nō possūt.
Cōmodatarius in periculo tenetur res cōmodatas præferre proprijs.

XLVII.

Mvtui ratio benè subsistit, esto idē in indiuiduo quod ab initio datum erat
reddatur, dum modò non sit deterioratū. Mutuatarius tenetur pecuniam
restituere iuxta valorē quo illā accepit tempore contractus, non autē iux-
ta cōtractū quo illā restituere debet tēpore solutionis. In Mutuo licita est pena
conventionalis.

XLVIII.

Vsura est lucrū ex vsu rei mutuatae proueniēs tāquā ex Iustitia debitū: Est il-
licita iure Naturali, Diuino, & Canonico. Pro obligatione Mutuū nō repetē-
di per annū, nō licet aliquid vltra sortē accipere; licet verò ratione damni
emergētis, aut periculi illius, vel lucris cessantis. Mōtes pietatis non sunt vsu-
rarij, sed liciti & pii.

XLIX.

Illi omnes peccant contra Iustitiam & obligātur ad restitutionem, qui sunt cau-
sæ efficaæ vt vsurarius exerceat vsuras; non tamen hi, qui vsurarijs domos locāt
vel permittunt in ijs illos habitare. Omne pactum quo adiicitur grauamen vel
onus aliud præter id quod Mutuo est intrinsecum & proprium, reddit contractū
vsurarium. Usurarius non acquirit Dominium vsuræ.

L.

Emptio est contractus quo pretium pro merce soluitur. Iustum pretium aliud
est Legale, quod est Lege definitum: Vulgare aliud, quod communi homi-
num æstimatione imponi solet; quodq; licitè in Nundinis variatur; & ad
quod augendum non sufficit indigentia maior Emptoris. Quælibet læsio iusti
pretij in Contractu Emptionis & Venditionis scienter facta est peccatum con-
tra Iustitiam.

Venditio est cōtractus quo merces traditur pro pretio. Quando Vēditor interrogatur ab Emptore de vicio rei vendibilis, imò etiam non requisitus, tenetur illud manifestare dum est occultum, potestq; causare notabile damnum Emptori. Potest Venditor sine Iniustitia suas merces vendere pretio currenti, etiamsi priuatā noticiā sciat pretium mercium breui minuendū. Retractus est licitus.

LII.

Census est Ius annuā pensionē percipiendi ex re fructifera, vel persona alterius. Licita est emptio cēsus non solum reſeruatiui, sed etiam cōſignatiui, tam realis (siue primò constitutatur siue ante institutus ematur, siue sit redimibilis, siue irredimibilis, siue temporalis, siue perpetuus, siue fructuarius, siue pecuniarius) quā personalis ac mixti.

LIII.

Restitutio est voluntas vnicuiq; tribuendi ius suum prius à se læsum: Est necessaria tantum necessitate præcepti ad salutē & nō necessitate medijs: Nō est actus solius Iustitiæ Cōmutatiuæ, sed etiam Distributiuæ & Legalis. Distributor non solum tenetur sub onere restituēdi ad æquam distributionem faciendam, sed etiam ad diligenter examinanda merita singularum Personarum.

LIV.

Bonæ fidei possessor cognitā veritate quod res non sit sua tenetur restituere fructus naturales & mixtos deductis expensis, nō tamē merē industriales, vel illos, qui non amplius extāt, nisi inquātū ex illis factus est ditior. Nō tātū probabiliter existimās rem esse suā, sed etiā dubitās an sit sua, potest, dubio tali perseuerante, post diligens examen, etiamsi magis inclinet rem non esse suam, eam retinere, & vt suam seruire vel alienare.

LV.

Præcisā obligatione ratione cōtractus vel officij nō oritur in cōscientia obligatio grauis damnum restituēdi ex culpa Theologica veniali, sed tātū vel ex eadem mortali, vel ex leui Iuridica, præcipuē si ponatur ex animo grauitè nocēdi. Ille qui delictū cōmittit, quod postea per errorē alteri innocenti imputatur; etiāsi hāc imputationē præuiderit, modo tamen eā non intēderit, nō obligatur ad damna restituenda ex illa imputatione innocenti secuta.

LVI.

Vltra principale Iuuiatoriū obligatur ad restitutionē etiā cōplices, non tātū quādo cōcurrūt ad substantiā actus iniusti, sed etiā quādo ita sunt causæ circūstatiarū, vt actus fiat citius, firmitus, atrocius &c. Ex his singuli sitātū partialiter cōcurrūt partialitate effectus ad damnum, non tenentur ad restitutionem totius damni.

LVII.

Nemini licitū est seipsum vel aliū innocētē directè & per se occidere, aut mutilare. Aggressorē tamen iniustum vitæ, quilibet cum moderamine inculpata tutelæ potest, non tamen tenetur occidere: sicut & furem licitum, est mactare ad defendenda bona fortunæ, quādo aliter defendi non possunt. Pro mutilatione aut occisione præcisè nihil est restituendum.

LVIII.

Qui seipsum infamat etiam sine causa per se loquendo non peccat grauitè; imò hoc ex causa rationabili faciens meritorie agit. Qui verò alterius sine iusta causa graue viciū occultū vni etiā manifestat, quē scit seruaturū illud in secreto, non excusatur à mortali vicio, detractionis: Excusantur autē ordinariè, & ille qui solum refert audita, vt audita, & qui peccatum iam publicum manifestat adhuc nō sciētib⁹.

LIX.

Quando furtū est peccatū veniale ratione materiæ, obligatio restituendi est etiā tātū sub veniali. Si cū animo furandi multum, accepisti parum, quia nō fuit plus, peccas adhuc mortaliter, non quidē in effectu, Sed in affectu. Furtum leue ex materia potest fieri graue ratione damni. Peccat mortaliter, qui Personæ illustri & splendidæ aufert vnum aureum vngaricum.

SOLI IUSTITIÆ CHRISTO. O. M.

Syderum Imperatori GLORIA. E Mari exortæ

NYBI MARIÆ HONOR.

or in-
s, re-
mnū
enti,
s est

alte-
tiui,
redi-
sue

t ne-
: Nō
. Di-
faci-
m.

tuere
es, vel
ātum
o tali
nam;

obli-
ex ea-
r no-
puta-
obli-

on tā-
causa
ātum
tutio-

e, aue
ne in-
tum
Pro


aiter;
s sine
illud
ordi-
cum

di est
quia
fectu
ortali

bonp
Dul

7.29

Biblioteka Jagiellońska



stdr0024748

